

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 68. stav (4) tačka i), člana 69. stav (2) tačka d) i člana 70. stav (1) i (4) Zakona o javnim nabavkama („Službeni glasnik BiH“, broj: 39/14) i tačke 5.4. Tenderske dokumentacije za postupak javne nabavke za pružanje usluga dugoročnog kreditnog zaduženja Zeničko-dobojskog kantona u 2020. godini, broj: 07-11-5646-8/20 od 08.05.2020. godine, na prijedlog Ministarstva finansija, Vlada Zeničko-dobojskog kantona, kao ugovorni organ, na 68. sjednici, održanoj dana 07.08.2020. godine, d o n o s i

ODLUKU

o odbacivanju ponude i poništenju dijela postupka javne nabavke za LOT 6

Član 1.

(Odbacivanje ponude i poništavanje postupka javne nabavke za LOT 6)

(1) Odbacuje se ponuda ponuđača Sberbank d.d. Sarajevo, ul. Fra Anđela Zvizdovića br. 1., 71000 Sarajevo, podnesena za LOT 6 otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2020. godini, koji je objavljen dana 08.05.2020. godine u 14,59 h na Portalu Agencije za javne nabavke, pod brojem: 07-11-5646-8/20, iz razloga što ponuda ponuđača nije prihvatljiva i potpuna jer ne ispunjava sve zahtjeve iz Tenderske dokumentacije.

(2) Poništava se dio otvorenog postupaka javne nabavke za pružanje usluga dugoročnog kreditnog zaduženja Zeničko-dobojskog kantona u 2020. godini, koji se odnosi na LOT 6, iz razloga što za navedeni lot jedina primljena ponuda nije bila prihvatljiva, jer nije potpuna i ne ispunjava sve zahtjeve iz Tenderske dokumentacije.

Član 2.

(Dostava odluke i obavještenja)

(1) Ugovorni organ će putem Ministarstva finansija Zeničko-dobojskog kantona ovu odluku i pismeno obavještenje o rezultatima postupku nabavke, u skladu sa članom 70. stav (2) i članom 71. stav (1) Zakona o javnim nabavkama, zajedno sa Zapisnikom o pregledu i ocjeni ponuda dostaviti svim učesnicima postupka, a najkasnije u roku od sedam dana od dana donošenja ove odluke.

(2) Daje se ovlaštenje Ministarstvu finansija Zeničko-dobojskog kantona da u ime ugovornog organa može eventualno podnesenu blagovremenu, dopuštenu i od ovlaštenog lica izjavljenu žalbu protiv ove Odluke, prosljediti Uredu za žalbe Bosne i Hercegovine na nadležno postupanje u skladu sa članom 100. stav (5) Zakona o javnim nabavkama, te o tome obavjesti ugovorni organ.

Član 3.

(Stupanje na snagu)

(1) Odluka stupa na snagu danom donošenja i objavit će se u „Službenim novinama Zeničko-dobojskog kantona“.

(2) Odluka će se objaviti i internetskoj stranici Vlade Zeničko-dobojskog kantona, i to istovremeno s upućivanjem odluke ponuđačima koji su učestvovali u postupku javne nabavke.

Pouka o pravnom lijeku:

Protiv ove odluke može se izjaviti žalba Vladi Zeničko-dobojskog kantona u roku od 10 (deset) dana od dana prijema ove odluke.

Broj: 02-11-13499/20

Datum, 07.08.2020. godine

Zenica

PREMIJER

Mirza Ganić

DOSTAVLJENO:

1x Ministarstvo finansija,

1x Sberbank d.d. Sarajevo, ul. Fra Anđela Zvizdovića br. 1., 71000 Sarajevo, putem
Ministarstva finansija,

1x Privredna banka Sarajevo d.d. Sarajevo, ul. Obala Kulina bana 18., 71000 Sarajevo,
putem Ministarstva finansija,

1x UniCredit Bank d.d. Mostar, ul. Zelenih beretki 24., 71000 Sarajevo, putem Ministarstva
finansija,

1x Union Banka d.d. Sarajevo, ul. Hamdije Kreševljakovića br. 19., 71000 Sarajevo, putem
Ministarstva finansija,

1x NLB Banka d.d. Sarajevo, ul. Koševo br. 3., 71000 Sarajevo, putem Ministarstva finansija,

1x ASA BANKA d.d. Sarajevo, Trg međunarodnog prijateljstva broj 25., 71000 Sarajevo,
putem Ministarstva finansija,

1x Stručna služba Vlade - web stranica Vlade Zeničko-dobojskog kantona,

1x “Službene novine Zeničko-dobojskog kantona”,

1x a/a.